

**DEWAN RAKYAT
PEMBERITAHUAN PERTANYAAN
MESYUARAT KEDUA, PENGGAL KETIGA
PARLIMEN KEEMPAT BELAS (2020)**

PERTANYAAN : BUKAN LISAN

**DARIPADA : DATUK SERI SHAMSUL ISKANDAR @ YUSRE BIN
MOHD AKIN [HANG TUAH JAYA]**

SOALAN

DATUK SERI SHAMSUL ISKANDAR @ YUSRE BIN MOHD AKIN [HANG TUAH JAYA] minta **MENTERI ALAM SEKITAR DAN AIR** menyatakan langkah-langkah yang diambil Kementerian untuk membantu negeri-negeri mengatasi masalah kekurangan bekalan air ketika musim kemarau seperti yang dialami oleh rakyat Melaka baru-baru ini.

JAWAPAN

Tuan Yang Di-Pertua,

1. Kementerian komited dalam membantu negeri menangani masalah kekurangan bekalan air ketika musim kemarau. Di antara langkah-langkah yang diambil bagi membantu negeri menghadapi musim panas dan kemarau adalah termasuk:

- i. memantau rapi paras semua sungai dan empangan yang membekalkan sumber air mentah kepada loji-loji rawatan air di negeri masing-masing;
- ii. melaksanakan pembenihan awan dengan kerjasama Jabatan Meteorologi Malaysia di kawasan empangan dan kawasan tadahan air;

NO. SOALAN : 444

- iii. mengenalpasti sumber-sumber air alternatif (seperti air kolam atau air bawah tanah) yang selamat digunakan bagi menambah sumber air yang sedia ada;
- iv. mengaktifkan segera Pelan Kontingensi Bekalan Air sekiranya keadaan paras sungai dan empangan menyusut kepada paras waspada, amaran dan bahaya;
- v. menyediakan keperluan-keperluan logistik bagi penghantaran bekalan air bantuan seperti lori tangki dan tangki statik ke tempat-tempat yang menghadapi gangguan bekalan air; dan
- vi. melaksanakan catuan air kepada pengguna-pengguna sekiranya paras sungai dan empangan menyusut ke paras kritikal.

Tuan Yang Di-Pertua,

- 2. Musim panas yang melanda negara pada pada suku pertama tahun 2020 turut memberi kesan kepada sumber bekalan air di negeri Melaka.
- 3. Antara langkah yang telah diambil bagi mengatasi masalah bekalan air Melaka pada waktu itu adalah pelaksanaan Bekalan Air Berjadual (BAB) dan pengagihan bekalan air melalui tangki statik dan lori tangki ke Pusat Pengagihan Setempat.
- 4. Kementerian menyeru semua rakyat supaya lebih berhemah dalam penggunaan air dengan tidak melakukan pembaziran dan elak menggunakan air bagi tujuan yang kurang penting supaya sumber air yang ada dapat bertahan dengan lebih lama.

Sekian. Terima kasih.